



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ŠUMARSKO UDRUŽENJE FEDERACIJE BOSNE I HERCEGOVINE – UŠIT FBIH
FORESTRY ASSOCIATION OF FEDERATION OF BOSNIA AND HERZEGOVINA
T.R.N.: 1011010000430716 - Privredna banka Sarajevo
ID: 4200201050000; P.B.: 01078773

Sarajevo, 07.03.2024. godine
Broj: 87-2/24

ZAPISNIK
SA XXV. REDOVNE SKUPŠTINE
UDRUŽENJA INŽENJERA I TEHNIČARA ŠUMARSTVA FEDERACIJE BiH

Održane u četvrtak 07.03.2024. godine, sa početkom u 10:00 sati u Istanbulu u objektu Devlet Su İşleri Misafirhanesi - Ar-ge Ve Eğitim Merkezi, Orhantepe, Mah Mutlu Sokak & Özveri Sokak D:6, 34865 Kartal/İstanbul, Republika Turska

Prisutno je bilo 60 (šesdeset) delegata, a opravdano odsutno 5 (pet) delegata uz prisustvo 15 (petnaest) gostiju. Spisak prisutnih je sastavni dio zapisnika.

Predsjednik Skupštine je informisao prisutne da postoji kvorum za njeno održavanje, te je upitao delegate da li imaju pitanja vezana za rad Udruženja u proteklom periodu.

Pošto nije bilo pitanja, Skupštini je predložio sljedeći

DNEVNI RED

1. Otvaranje Skupštine, izbor Radnog predsjedništva i zapisničara.
2. Pozdravne riječi.
3. Razmatranje i usvajanje zapisnika sa XXIV. Redovne Skupštine UŠIT-a FBIH.
4. Razmatranje i usvajanje:
 - a. Izvještaja o radu za 2023. godinu.
 - b. Finansijskog izvještaja za 2023. godinu.
 - c. Izvještaja Nadzornog odbora za 2023. godinu.
5. Razmatranje i usvajanje:
 - a. Plana rada za 2024. godinu.
 - b. Finansijskog plana za 2024. godinu.
6. Razmatranje i usvajanje prijedloga Nacrta akata Udruženja:
 - a. Statuta Udruženja.
 - b. Poslovnika o radu Skupštine.
 - c. Poslovnika o radu Kolegija Skupštine.
 - d. Poslovnika o radu Nadzornog odbora.
 - e. Pravilnika o radu Suda časti.
 - f. Pravilnika o članstvu.
 - g. Pravilnik o priznanjima.
7. Razmatranje i usvajanje zaključaka na Prijedlog teksta Zakona o šumama FBiH koji je objavilo Federalno ministarstvo poljoprivrede, vodoprivrede i šumarstva.
8. Tekuća pitanja.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ŠUMARSKO UDRUŽENJE FEDERACIJE BOSNE I HERCEGOVINE – UŠIT FBiH
FORESTRY ASSOCIATION OF FEDERATION OF BOSNIA AND HERZEGOVINA
T.R.N.: 1011010000430716 - Privredna banka Sarajevo
ID: 4200201050000; P.B.: 01078773

Ad. 1. Predsjednik Skupštine je u skladu sa Statutom i internim aktima Udruženja po prvoj tački dnevnog reda u Radno predsjedništvo XXV. Redovne Skupštine Udruženja predložio:

1. Ramzija Koljić, dipl.ing.sum. - član,
2. Emina Grabus, dipl.ing.sum. - član i
3. Emir Islamović, dipl.ing.sum. - predsjednik Radnog Predsjedništva.

Za zapisničara je predložio generalnog sekretara Udruženja Azera Jamakovića.

Na osnovu predloženog, delegati u Skupštini Udruženja, jednoglasno usvajaju sljedeći

ZAKLJUČAK

- Usvaja se prijedlog predsjednika i članova Radnog predsjedništva XXV. Redovne Skupštine Udruženja.
- Usvaja se prijedlog zapisničara XXV. Redovne Skupštine Udruženja.

Ad. 2. Sa riječima dobrodošlice, te pozdravnim riječima i željama za uspješnim radom Skupštine obratili su se: Bekir Karacabey, generalni direktor Generalne direkcije za šumarstvo Republike Turske - online, dr. Celaledin Ensar Şengül, direktor Regionalne direkcije za vodoprivredu Istanbul - Generalna direkcija za vodoprivredu Republike Turske, Celal Pir, direktor Regionalne direkcije za šumarstvo Istanbul - Generalna direkcija za šumarstvo Republike Turske, Ismail Belen, Šumarska komora Republike Turske, Selami Yakar, izvršni direktor Natron Hayat d.o.o. Maglaj, Vildan Hajić, direktor ŠPD-a "Srednjobosanske šume" d.o.o. Donji Vakuf, Vahidin Lušija, predsjednik UŠIT FBiH, Velid Halilović, predsjednik Nadzornog odbora UŠIT FBiH,

Nije bilo diskusije ni zaključaka po ovoj tački dnevnog reda.

Ad. 3. Predsjednik Skupštine je stavio na razmatranje Zapisnik sa XXIV. Redovne Skupštine UŠIT-a FBiH, te pošto nije bilo diskusije, Skupština Udruženja jednoglasno donosi sljedeći

ZAKLJUČAK

- Jednoglasno se usvaja Zapisnik sa XXIV. Redovne Izborne Skupštine UŠIT-a FBiH.

Ad. 4. a) Predsjednik Udruženja je prezentirao Izvještaj o radu za 2023. godinu, te je nakon njegovog izlaganja, predsjednik Skupštine otvorio diskusiju po ovoj tački dnevnog reda.

Seid Čorbić je upitao zašto časopis Naše šume kasni sa redovnim izdavanjem.

Predsjednik Udruženja je istakao da generalni sekretar Udruženja zbog angažmana oko projekta EFNS-a nije mogao redovno pratiti izlazak časopisa Naše šume. To će se u narednom periodu ispraviti i već je pripremljen jedan broj časopisa i u narednom periodu će se stići sa redovnim izlaskom časopisa Naše šume, a planirano je i raspisivanje javnog konkursa za imenovanje novog glavnog urednika časopisa Naše šume.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ŠUMARSKO UDRUŽENJE FEDERACIJE BOSNE I HERCEGOVINE – UŠIT FBiH
FORESTRY ASSOCIATION OF FEDERATION OF BOSNIA AND HERZEGOVINA
T.R.N.: 1011010000430716 - Privredna banka Sarajevo
ID: 4200201050000; P.B.: 01078773

Nakon prezentacije izvještaja i diskusije, Skupština Udruženja jednoglasno donosi sljedeću

ODLUKU

- Usvaja se Izvještaj o radu za 2023. godinu.

Ad. 4. b) Predsjednik Udruženja je prezentirao Finansijski izvještaj za 2023. godinu, te je nakon njegovog izlaganja, predsjednik Skupštine otvorio diskusiju po ovoj tački dnevnog reda.

Seid Čorbić je upitao šta je sa stavkom u finansijskom izvještaju troškovi reprezentacije u zemlji, gdje je planirano oko 38.000,00 KM, a utrošeno nešto više od 1.000,00 KM.

Predsjednik Udruženja je rekao da su u pitanju stavke koje računovodstvo prebacuje. Veliki dio stavki iz projekta EFNS-a je prebacivano na druge stavke, kao što je stavka troškovi projekta EFNS-a.

Nakon prezentacije izvještaja i diskusije, Skupština Udruženja jednoglasno donosi sljedeću

ODLUKU

- Usvaja se Finansijski izvještaj za 2023. godinu.

Ad. 4. c) Predsjednik Nadzornog odbora je istakao da su na sjednici Nadzornog odbora, također postavljana pitanja, kao što je pitao kolega Seid Čorbić, ali je konstatovano da je najveći dio stavki bio vezan za projekat EFNS-a.

Nakon prezentacije izvještaja i kraće diskusije, Skupština Udruženja jednoglasno donosi sljedeću

ODLUKU

- Usvaja se Izvještaj Nadzornog odbora za 2023. godinu.

Ad. 5. a) Predsjednik Udruženja je prezentirao Plan rada za 2024. godinu i zamolio veći angažman svih članova Udruženja, a ne samo angažman par ljudi oko rada Udruženja. Uključite se svi u planske aktivnosti i nemojte da se ponovo desi da jedan delegat glasa za plan rada, a nakon toga dostavi protestno pismo. Istakao je i potrebu za većim angažmanom na dostavljanju članaka za časopis Naše šume. Naš novi kolektivni član je i Natron Hayat i afirmišemo uključenje preduzeća drvne industrije u kolektivno članstvo. Potreban je veći angažman i za naplatu pojedinačnih članarina. Planirali smo i određene stručne ekskurzije u druge zemlje u skladu sa mogućnostima.

Domagoj Turalija je istakao da treba iskoristiti da se pojedinačna članarina plaća nalogom preko firme, a ne da se pojedinačno plaća, jer ćemo imati sigurno veći stepen naplate.

Nakon prezentacije Plana rada za 2024. godinu i diskusije, Skupština Udruženja jednoglasno donosi sljedeću

ODLUKU

- Usvaja se Plan rada za 2024. godinu.



**UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ŠUMARSKO UDRUŽENJE FEDERACIJE BOSNE I HERCEGOVINE – UŠIT FBiH**

FORESTRY ASSOCIATION OF FEDERATION OF BOSNIA AND HERZEGOVINA

T.R.N.: 1011010000430716 - Privredna banka Sarajevo

ID: 4200201050000; P.B.: 01078773

Ad. 5. b) Predsjednik Udruženja je prezentirao Finansijski plan za 2024. godinu istakavši da je došlo do povećanja kolektivne članarine do 7 %. Imamo planiran prihod iz budžeta za projekte. Umanjen je iznos za plate zbog prelaska generalnog sekretara Udruženja na Šumarski fakultet. Želim iskoristiti trenutak da se u ime svih članova zahvalim generalnom sekretaru Udruženja Azer Jamakoviću na dosadašnjoj saradnji, na obavljenom poslu koji je časno i pošteno radio. Ponudio je da pomogne ukoliko bude mogao raditi, mimo redovnog posla na Šumarskom fakultetu i mi smo potpisali sa njim Ugovor o djelu. On će se ovdje Vama obratiti na njegov zahtjev, da se posljednji put delegatima Skupštine Udruženja obrati i pozdravi Vas kao generalni sekretar Udruženja, koji još uvijek profesionalno obavlja svoj posao. Ne mora da znači da on neće ostati u daljnjem angažmanu kao generalni sekretar Udruženja i to je čisto do njega. Zamolio bih ga da sve svoje obaveze uskladi i da i dalje ostane generalni sekretar Udruženja, jer ovakvog čovjeka će teško Udruženje više naći.

Nakon prezentacije Finansijskog plana za 2024. godinu, Skupština Udruženja jednoglasno donosi sljedeću

ODLUKU

- Usvaja se Finansijski plan za 2024. godinu.

Ad. 6. Predsjednik Skupštine je obrazložio nacрте akata koji su predloženi delegatima Skupštine Udruženja.

Predsjednik Udruženja je istakao da smo bili spremni da se akti usvoje kao prijedlozi, ali smo se na Upravnom odboru dogovorili da akti idu kao nacрти i da se svi delegati izjasne u roku od 90 dana, ako imaju primjedbi i sugestija, kako bi za narednu Skupštinu pripremili kvalitetne materijale. Angažovali smo savjetnika za pravne stvari i pomagao nam je i kod EFNS-a i to je suprug naše kolegice Emine Grabus i što kaže generalni sekretar Udruženja, hvala Bogu pa ga imamo, jer je stvarno predan i ekspert je za pravne stvari. Ako ima neko još nekoga da je ekspert za pravo, treba da ga predloži, da nam pomogne u radu po različitim pitanjima, te smo spremni ga angažovati.

Sead Ćorbić je istakao da je dobro da se daje 90 dana, kako bi se kvalitetno izradili ponuđeni akti, jer ako nešto propustimo može biti poslije problem.

Nakon prezentacije od strane predsjednika Skupštine i predsjednika Udruženja, Skupština Udruženja jednoglasno usvaja sljedeću

ODLUKU

- Usvajaju se prijedlozi Nacrta akata Udruženja:
 - a) Statuta Udruženja.
 - b) Poslovnika o radu Skupštine.
 - c) Poslovnika o radu Kolegija Skupštine.
 - d) Poslovnika o radu Nadzornog odbora.
 - e) Pravilnika o radu Suda časti.
 - f) Pravilnika o članstvu.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ŠUMARSKO UDRUŽENJE FEDERACIJE BOSNE I HERCEGOVINE – UŠIT FBiH
FORESTRY ASSOCIATION OF FEDERATION OF BOSNIA AND HERZEGOVINA
T.R.N.: 1011010000430716 - Privredna banka Sarajevo
ID: 4200201050000; P.B.: 01078773

- g) Pravilnik o priznanjima.
- Zadužuju se delegati Skupštine Udruženja da u roku od 90 dana od dana održavanja Skupštine Udruženja dostave primjedbe i sugestije na dostavljene nacрте akata, kako bi ih Upravni odbor Udruženja u koordinaciji sa Statutarnom komisijom pripremio za narednu Skupštinu Udruženja na usvajanje.

Ad. 7. Predsjednik Skupštine je informisao da je prijedlog teksta prednacрта Zakona o šumama FBiH koji je objavilo Federalno ministarstvo poljoprivrede, vodoprivrede i šumarstva na web stranici u radnoj verziji. Potrebno je do 15.03.2024. godine dostaviti primjedbe i sugestije na ovaj prijedlog teksta. Kada se objedine prijedlozi tekst ide prema Vladi FBiH, pa će sa Vlade FBiH ići nacrt da se u roku od 90 dana raspravlja kroz javnu raspravu, pa nakon toga bi išao na Predstavnički dom i Dom naroda FBiH.

Predsjednik Udruženja je informisao prisutne da je bio kod federalnog ministra šumarstva sa predstavnicima drugih šumarskih organizacija i institucija i bio je predstavnik komisije za šumarstvo ispred oba doma Parlamenta FBiH i tamo smo usaglasili stavove koji nisu bili doručeni, gdje je ministar rekao da ne zna šta će uraditi sa zakonom. Kada se ovo pojavilo na web stranici bili smo iznenađeni, jer je ovo neki novi tekst Zakona o šumama FBiH. Molimo delegate da dostave do 15.03. 2024. godine primjedbe i sugestije na ovaj tekst zakona, kako bi mogli sve to skupiti, objediniti i dostaviti Federalnom ministarstvu poljoprivrede, vodoprivrede i šumarstva i da se ovlasti Upravni odbor da to sve objedini i proslijedi.

Seid Čorbić je rekao da su ga iznenadile stvari koji se nalaze u tekstu zakona o šumama i da ne zna iz čije ovo kuhinje dolazi. Mislim da se naše kolege iz federalnog ministarstva nedovoljno angažuju po ovom pitanju, da se ne bi dešavalo da tamo neko gura stvari koje su protiv šumarstva. Nepraktično je recimo između ostalog jedna stvar, a to je da se plan gospodarenja mora dostaviti do 1. decembra sa svim projektima, jer kako oni planiraju da se dostavi kombi pun projekata kantonalnoj upravi za šumarstvo. Šume TK recimo izradi oko 1.000 projekata i to treba najednom da dostavi kantonalnoj upravi. Zbog čega neko pravi cirkus sa ovim zakonom o šumama. Potrebno je da nas se više javi sa primjedbama po ovom pitanju.

Damir Behlulović je istakao da ako se pošalju primjedbe na jednom obrascu bojim se da neće imati efekta. Bilo bi bolje da sve kolege pošalju i da dođe 50 primjedbi u ministarstvo.

Fuad Šehić je rekao da se ograničenje za projekte do 1. decembra, neće moći implementirati.

Nakon diskusije, Skupština Udruženja jednoglasno usvaja sljedeći

ZAKLJUČAK

- Zadužuju se delegati Skupštine Udruženja koji budu dostavljali primjedbe i sugestije na tekst prednacрта Zakona o šumama FBiH, da iste dostave kako Udruženju, tako i putem ŠPD-ova i lično, kao inženjeri šumarstva na obrascima sa potrebnim obrazloženjima i Federalnom ministarstvu poljoprivrede, vodoprivrede i šumarstva.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ŠUMARSKO UDRUŽENJE FEDERACIJE BOSNE I HERCEGOVINE – UŠIT FBiH
FORESTRY ASSOCIATION OF FEDERATION OF BOSNIA AND HERZEGOVINA
T.R.N.: 1011010000430716 - Privredna banka Sarajevo
ID: 4200201050000; P.B.: 01078773

Ad. 8. a) Pod tačkom tekuća pitanja prezentirani su stav i protestno pismo od strane kolega Ahmeta Sejdića i Refika Hodžića.

Nakon kraće diskusije, Skupština Udruženja jednoglasno usvaja sljedeći

ZAKLJUČAK

- Daje se jednoglasna podrška radu Upravnog odbora Udruženja i svih ostalih organa upravljanja.

Ad. 8. b) Generalni sekretar Udruženja Azer Jamaković se zahvalio svim delegatima, članovima organa upravljanja, svim članovima Udruženja i kolektivnim članicama na podršci u njegovom dosadašnjem radu u Udruženju, te da će i nakon prelaska na novo radno mjesto na Šumarskom fakultetu Univerziteta u Sarajevu i dalje u punom kapacitetu biti posvećen podršci u radu Udruženja.

Skupština je završena u 11,45 sati.

Predsjednik Skupštine

Emir Islamović, dipl.ing.šum.

Zapisnik vodio

Azer Jamaković, dipl.ing.šum.